

應山縣志

卷八一至

地天  
理文

應山縣志卷一

星野

宋志曰天體之運星辰之動未始有窮而度以一法可乎物銖銖而較之至石必差況於無形之數哉世無洛下之算無甘石之推泥成法以爲限斷而曰某星專某地某地專某星某度固矣但周禮保章氏以星土辨九州之地所封封域皆有分星以觀妖祥左氏謂凡分至啓閉必書雲物欲以畏天變者畏民晷也若廢感召之理則擾天紀干天和者且肆於民上矣志星野

應山縣志

卷一

星野

一

太乙樞會云張宿直漢東與鶉尾同占應山者漢東之地也張宿者應山之分也分直張宿統占鶉尾

考太乙天官諸書列宿各有其位大小有差闊狹有常謂之經星各有其度過度則占各有其分野天象人事隨感爲徵休咎之分應於九域

位乎正南者辰則鶉首鶉火鶉尾星則東井輿鬼柳星

東井輿鬼鶉首也雍州分野東井居兩河之陽自漢中東盡華陽與鶉火相接

翼軫鶉尾也荊州分野南盡衡陽北盡荆山當南河之南書云荆及衡陽爲荊州地理志曰翼軫荊州

柳星張鶉火之次也初柳八度外末張十度內於分野爲周於辰在午於野爲三河 自滎陽滎澤南至東隅斜射方城抵桐柏漢陽之地又自雒邑負北河之南西及函谷逾南紀通武當漢水之陰盡宏農郡

柳在輿鬼之東接漢源當商雒之陽

## 應山縣志

### 卷一

星野

二

張宿直南陽漢東與鶉尾同占

詳舊志列宿分野考

稽周禮保章氏誌日月星辰之變動以星土辨九州之地以觀妖祥蓋將爲百姓弭災患也其中有可知者有不可知者君子述古爲志乃以不可知者志之爲誣而已其不可知者何也自天文之禁嚴於前代儒生不以肄業學宮不以課士卽博洽者所述不過經史所載之大畧其詳不可得聞也不可聞故不可知也如九州分野周禮疏云翼軫荊州其行度未之及也漢蔡邕云起張十三度至軫六度晉志曰自張十一度至軫十一度

於辰在巳楚之分野屬荊州唐一行云初張十度中翼二度終軫九度堯之星鳥已不同於月令之昏旦漢之行度又不同於周官之位置漢則云十三度晉則云十一度唐則三十度則是漢晉及唐亦不同也今之時視唐又加遠矣欲比而同之烏得同乎不同故不可知也夫天主動者也星之麗天亦動而不常者也地則靜而有常矣禹貢畫九州二代因之自秦分爲三十六郡而歷代廣狹統置皆不相同即一邑之地亦有分屬則九野之星將何從乎是未可知也且以荊楚論之以翼軫

應山縣志

卷一

星野

三

爲荊州之分野則可知以翼軫爲楚之分野則不可知夫荊州楚之疆域也以翼軫爲楚之分野則不可知也楚之疆域先後大有不同焉者熊繹肇封僻在荆蠻其於荊州芥粒焉耳及夫漢陽諸姬楚實盡之則西連秦晉東接齊魯矣不止荊州也則淮徐陝洛之間以爲是翼軫之分野乎以爲非翼軫之分野乎是未可知也若荆之疆域固有定在矣禹貢云荆及衡陽惟荊州註曰荊州之域南盡衡陽北距荊州衡陽者荊州之界也在荆山衡陽之內者必荊州地也星亦翼軫也在荆山衡

陽之外者非荊州地也星亦非翼軫也卽以應山論之考春秋輿圖鄖國在荊山東北永陽又在鄖國東北茲者爲志若以翼軫爲永陽之分野是以通省爲一邑也猶之乎以九州爲一州也可乎哉故以應山爲德安之屬邑楚省之北鄙則可知而以應山爲翼軫之分野則不可知也然則應山屬何星之分野乎經史詳之矣張星直漢東與鶉尾同占應山漢東之地也張宿應山之分也或者乃以翼軫荊州槩乎一邑豈不誤哉其可知可誌者此而已矣若夫察其變動以定貞忒監天者典

## 應山縣志

### 卷一

星野

### 四

焉掌史者筆焉一邑之司安敢僭哉安敢誣哉

以上各條皆係

前志原文

近出廿一史約編載十二州分野云柳星張周分三河今河南洛陽南陽湖廣之鄖陽襄之均州光化穀城棗陽德之隨州應山 按翼軫爲楚之分野而前志以張宿爲應山之分今此編與前志合特附載

### 天象原理

良孺熊公曰傳天文者多祖裨竈甘公唐昧尹皋石申之遺課驗凌雜米鹽史遷世掌天官所云河鼓不欲曲

心星不欲直老人見治安不見兵起班固沿之句信維散龜鼈不居漢中諸語皆幾以經星爲可移矣夫氣爲眞象事爲眞數合人與天而眞理不燦然於吾前乎天地之象至定不定者氣蒙之也天地之數至定不定者事亂之也達者始終今古深觀時變仰察蒙氣俯識亂事而權衡其理則天官備矣或問天垂象見吉凶何也曰譬諸人身脾氣病則貌黃肝病則青腎病則黑喜慶惠迪額潤頰明華嚴曰一國人感惡緣則彼當土眾生覩諸一切不祥或見暈玦彗孛但此國見彼國眾生本

應山縣志

卷一

星野

五

所不見蓋氣由地起吉氣上蒸爲雲龍彛彩之類人在氣中生養自有聖賢豪傑挺生有凶氣上蒸爲霾魃攙槍之類人在氣中生養自有饑饉兵戈橫出故望氣者止宜於當土辨禍福入國邑而候息耗不宜於普天率土百年易世一槩牽合若日星之具體本自如也因此地氣有吉凶則此地人眼從氣中口便分祥異故暈背風霾晴雨之候百里有不可同觀者惟彗孛之氣衝入晶宇所至最高天下仰見然比之於七曜之度不啻下甚卽千里而量測之差數覩矣或曰地氣一也何爲此

方吉彼方凶此時吉彼時凶曰是則數爲之也實胚胎於人事也如堯舜醞釀宇宙太和元氣地平天成及桀紂而以塗炭生民爲事其數應窮便致湯武放伐斯固口數相根而氣操其關籥者也不獨地氣天氣亦然如中國處於赤道北二十度起至四十度止日俱在南既不受其亢燥距日亦不甚遠又復資其溫煖稟氣中和所以車書禮樂聖賢豪傑爲四裔朝宗若過南逼日大暑祇應生海外諸蠻人過北遠日大寒祇應生塞外沙漠人若西方人所處北極出地與中國同緯度者其人

應山縣志

卷一

星野

六

亦無不喜讀書知歷理不同緯度便爲回回諸國忿鷲好殺此又一端也質文之運三代循環興廢有定數皆自人事釀成當興之時天地如律回陽其氣條達如鏡重磨其象宣朗當廢之時天地如律重陰其氣鬱閉鏡蒙塵垢其象湮闇此定理也占候祈禳原爲小數而警予責己仰思咎謝俯答明譴堯舜文武以來自有欽若昭事毋敢戲渝之道法在焉可忽乎鹿湖潛老夫曰執氣質而測之則但顯各各不相知而各各互相應之通幾猶晦也天聲氣風力實傳心光受命如響神不可測

而當前物則天度同符格之踐之引觸酬酢信其不二  
享其不惑此則有所以爲物所以爲心所以爲天者豈  
徒委之氣質而已乎萬歷己未余在長溪親炙壇石先  
生喜其精論故識所折衷如此

此篇出在物理  
□今附載

應山縣志

卷一

星野

七



祥異 □ 異 □ 承星野故小序卽從星野說入

星野之說人謂野山於星不知星由於野凡天象有變後皆有人事應之遂謂下土之災由於上天然天心愛人胡爲而有是災不知此非從天降也非從地出也由人心生也凡人臟腑壞則生疾心壞則生禍一人之心壞則一身禍一家之心壞則一家禍一國之心壞則一國禍天下之心壞則天下禍苟能反之則旋足以致福昔日周家由三代積德至於文王鳳鳴岐山後遂大興豈鳳能鳴之而興蓋文王之化自家而國其時岐山左

應山縣志

卷一

祥異

八

石盡是善人一股善氣結成德輝鳳凰翔於千仞覽德輝而下之遂於此鳴其鳴也鳴其樂也鳳亦不知其爲文王之德也然而周家既有是德則遂以是興矣凡所謂祥皆是如此至於異則亦然應山之爲祥卽渡蟻一事已足以見之矣活數萬蟻命而遂有善氣見於面其後果大魁天下此非其祥之先見者乎高貴山蛟發水沒乾明寺僧皆溺死非由其罪惡貫盈而然者乎凡災異之生猶是天心慈愛預先譴告使之及時悔過未嘗不可遷改此又在守斯土生斯土者遇災而知懼思患

而預防轉禍而爲福矣志祥異

宋紹興元年春正月連雨至於三月

淳熙元年大饑

九年大旱

十五年久雨害稼

嘉定元年冬燠如夏

六年大旱

元元貞元年五月野蠶成繭互數百里民取爲繡

明洪武二十二年大水

應山縣志

卷一

祥異

九

宣德八年夏大旱

正統二年自六月雨至於秋七月大饑

九年夏旱大饑

景泰元年春大饑民流於河南

四年夏大水

天順四年秋大水害稼

成化元年大饑

三年夏五月不雨至於秋七月

四年五月庚申雨雹大旱歲大饑十月辛丑地震

六年夏大旱民流於荆襄

十年秋大有年

十四年大饑

宏治元年旱二年春饑道殍相望

三年春大雨豆種之蔓生不實

四年大旱

五年五月高貴山蛟起水沒乾明寺僧皆溺死六月螟

六年冬十月大雪至七年春正月

七年夏四月大水

應山縣志

卷一

祥異

十

八年五月桃李華

十一年秋七月不雨至十二年夏四月

十六年夏大雨

正德元年大饑

二年春正月不雨至於三月雹殺禾菽民張必顯妻崔

氏忽生髭長五寸尋暴死

十年大旱

十一年大旱

十三年夏大疫

十五年正月朔雷電暴雨平地水漲丈餘四月不雨至

於六月

按武帝統舊史止十六年此下所載年分不可也何

十七年春大饑

二十五年駱家村民盧廷文妻張氏妊十四月產男甫

週月頭三尺五寸七歲亡

二十六年正月雨霰樹枝盡冰

三十一年夏大疫

三十三年五月己丑地震越三日復震是年大有年

四十五年大旱次年春設糜舖饑民

應山縣志

卷一

祥異

十一

崇禎二年旱大饑

三年六月地震

七年十二月二十五日大雷雨震電竹盡花

十五年大饑大疫

國朝

順治七年夏五月五日大雨雹

九年春正月朔雷雨震電夏大旱

十年春奉 文賑濟

十八年自四月不雨至閏七月歲大饑冬詳請賑濟

康熙元年春再行賑濟忠烈公孫楊苞輸穀一千石助賑

六年丁未荒

九年旱大饑

十年辛亥四月初八日風沙晝晦麥盡爲風霧所蝕秕而不實人至麥林著衣皆黃至六七月不雨禾始秀又早間有成者爲青蟲食盡大饑有流徙者知縣周祐繪圖以報請出倉粟千餘石分賑之上臺可其請檄黃州同知于詣縣監賑給散有法民賴以全活

應山縣志

卷一

祥異

十二

者甚眾是年夏大疫復作知縣自製文禱於神祠嗣是人有起色

以上俱照前志以下新志

十九年大旱

二十九年大旱

乾隆戊戌年大旱監生樂紹孔捐賑邑侯尹行鐸給有

義濟一鄉匾額

嘉慶丁卯年大旱饑自是歲至甲戌連荒者八年先菜食繼草根樹皮亦盡餓殍異鄉者無算

壬申年大旱

二十四年己卯大旱

道光五年乙酉秋大旱

七年丁亥秋蝗大有年

九年己丑春二月訛言寇至民驚竄多棄嬰孩於路繼聞楚豫界九邑皆然不知所自始

十一年辛卯大水漢沔就食者踵相接邑倉庾立盡

是年冬至次年春民大饑

十二年壬辰大水紳民饒裕者各分會振之

十四年甲午雪大凍冰結地爲塊樹木委地鳥棲無食

應山縣志

卷一

祥異

十三

死十五年春木冰

十八年戊戌夏大旱邑侯陳肖儀科頭烈日中並城隍枷坐學古法埋龍者九再泣禱於高貴山雨大降秋蝗蔽日赴鄉督捕是歲大有年

十九年己亥春正月邑侯陳設局於各鄉鎮今民掘蝗子價買而焚之大有年

二十八年戊申大水城東三里河渡船覆溺者數十人二十九年己酉四月雨雹大如拳二麥盡打折鳥雀多死夏大水平林市河浪驟高數丈自上流澎張而來

東西岸居民漂沒者無算廩生吳運新急捐重資救之多所全活是年鄉試擢經魁第四名人以爲拯溺之報云

咸豐元年辛亥四月羊角風遍作旋轉於地斃者數十人紫虛觀前一老優席坐於棚下迎風而倒氣遂絕二年壬子夏四月十二日地震秋又震竹盡花三年癸丑冬水簸陂池若轉側而覆者有頃四年甲寅冬雨豆形如匾豆而小其色黑堅苦異常五年冬百果花齊開如春間有結實者

應山縣志

卷一

祥異

十四

六年丙辰四月雨雹大如拳殺禾無算自是旱赤地千里邑草根樹皮皆食盡民流漢沔道殣相望糧緩征七年丁巳蝗自北來落地厚尺餘未傷稼

八年戊午七月飛蝗蔽天過經數晝夜

同治元年彗星見於西北長數丈月餘始滅

三年十二月雨霰木冰

七年春地生毛如羊豕毛摘之其根白冬月雨雪震電八年正月朔微雨雷電

九年四月麥穗兩歧

見井子會汪士珍田中

昔孔子作春秋曰所見異辭所聞異辭所傳聞又異辭昭定哀所見也文宣以降所聞也隱桓以降所傳聞也時有遠近故事有詳略今應山縣志自康熙十二年一修至同治九年凡百九十七年矣事多失傳祥異尤罕紀述故惟於近事略詳而雍正乾隆間多闕然感召之理不可誣也經史所載共見共聞而昔人有天象原理一篇似尤爲經史所未備爰補載於上以俾讀邑乘者知所觀覽焉